

Në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuele ("Gazeta Zyrtare e Republikës së Maqedonisë" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr. 42/20, 77/21, 154/23, 55/24 dhe 193/24), dhe në lidhje me nenin 92 paragrafët (1) dhe (3) nga Ligji i njëjtë, pika 6 dhe pika 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës (Tekst i pastruar) ark. nr.01-4139/1 datë 07.11.2022, Raportin me shkrim për mbikëqyrje të kryer programore ark.nr.10-2464/1 datë 12.06.2025 dhe Konkluzionin ark.nr.02-3137/5 datë 29.07.2025, Këshilli i Agjencisë për Shërbime Mediatike Audio dhe Audiovizuele, në seancën e 6-të mbajtur më 29.07.2025, miratoi sa vijon:

Aktvendim për ndërmarrjen e masës - paralajmërim publik

1. PUBLIKISHT PARALAJMËROHET Shoqëria Tregtare Radiodifuzive (SHTR) TELEVISION USKANA MEDIA SHPKNJP Kërçovë, për shkeljen e kryer të nenit 92, paragrafët (1) dhe (3) të Ligjit për Shërbime Mediatike Audio dhe Audiovizuele (LSHMAAV), të mënyrës që transmetuesi, në kuadër të shërbimit programor televiziv, më 3 qershor 2025, nuk transmetoi së paku 30% program të krijuar burimor si vepra audiovizuele maqedonase, as nuk transmetoi së paku gjysmën e minimumit ligjor të programit të krijuar burimor si vepra audiovizuele maqedonase, në periudhën nga ora 7:00 deri në 19:00.

Shkelja e përmendur në paragrafin 1 të kësaj pike është specifikuar në Raportin me shkrim për mbikëqyrje të kryer programore ark.nr.10-2464/1, datë 12.06.2025, i cili është pjesë përbërëse e këtij Aktvendimi si Shtojcë nr. 1.

2. URDHËROHET që SHTR TELEVISION USKANA MEDIA SHPKNJP Kërçovë, në afat prej 20 (njëzet) ditësh nga dita e pranimit të këtij Aktvendimi të harmonizojë veprimtarinë e saj me dispozitat e LSHMAAV.

3. Pas skadimit të afatit të përcaktuar në pikën 2 të këtij Aktvendimi, të kryhet mbikëqyrje kontrolli për të përcaktuar nëse subjekti i mbikëqyrur, i cekur në pikën 1 të këtij Aktvendimi, ka vepruar sipas Aktvendimit.

4. Ky Aktvendim është përfundimtar dhe dita e miratimit të tij konsiderohet dita e çertifikimit në arkivin e Agjencisë për Shërbime Mediatike Audio dhe Audiovizuele (Agjencia).

A r s y e t i m

Agjencia, në bazë të nenit 28 të LSHMAAV, është kompetente për të kryer mbikëqyrje programore (monitorim) të programeve të transmetuesve dhe ofruesve të shërbimeve mediatike audiovizuele me kërkesë, si dhe të paketave programore të ritransmetuara nga operatorët e rrjeteve publike të komunikimeve elektronike nga aspekti i respektimit të dispozitave nga Ligji në fjalë, lejet, çertifikatat e dhëna për regjistrim, aktet nënligjore dhe aktet e tjera të miratuara nga Agjencia.

Në përputhje me nenin 23, paragrafi (1), nënparagrafi 1 të LSHMAAV, Këshilli i Agjencisë kundër botuesi të medias (transmetuesi) ndërmerr masë - paralajmërim publik në rastet kur është kryer cënim ose shkelje e dispozitave të LSHMAAV dhe aktet nënligjore të miratuara në bazë të Ligjit të njëjtë, si dhe të kushteve dhe detyrimeve të përcaktuara nga lejet dhe aktet e tjera të Agjencisë.

Në përputhje me nenin 92, paragrafët (1) dhe (3) të LSHMAAV, Shoqëritë Tregtare Radiodifuzive që transmetojnë shërbim programor televiziv janë të detyruar gjatë ditës të transmetojnë së paku 30% të programit të krijuar burimor si vepra audio ose audiovizuele maqedonase, ndërsa shërbimi publik i transmetimit së paku 40%. Shoqëritë Tregtare Radiodifuzive që transmetojnë shërbim programor televiziv janë të detyruar të përmbushin së paku gjysmën e detyrimeve të përcaktuara në paragrafin (1) të këtij neni në periudhën nga ora 7:00 deri në ora 19:00.

Në kuadër të kompetencave të saj ligjore, Agjencia, përmes Sektorit për çështje programore, më 12 qershor 2025, ka kryer mbikëqyrje të rregullt programore (monitorim) të shërbimit programor televiziv të SHTR TELEVISION USKANA MEDIA SHPKNJP Kërçovë, transmetuar më 3 qershor 2025, në nivel lokal, nga ku është konstatuar se transmetuesi nuk ka transmetuar së paku 30% program të krijuar burimor si vepra audiovizuele maqedonase, as nuk ka transmetuar së paku gjysmën e minimumit ligjor program të krijuar burimor si vepra audiovizuele maqedonase, të transmetuar në periudhën nga ora 7:00 deri në ora 19:00.

Konkretisht, nga mbikëqyrja është konstatuar se më 3 qershor 2025, shërbimi programor televiziv i Shoqërisë Tregtare Radiodifuzive TELEVISION USKANA MEDIA SHPKNJP Kërçovë, ka transmetuar 5 orë 10 minuta dhe 41 sekonda program të krijuar burimor si vepra audiovizuele maqedonase, që është 23.45%

në total të programit të transmetuar gjatë ditës që përfshihet në llogaritjen për program të krijuara burimor (22 orë 4 minuta dhe 44 sekonda). Minimumi ligjor prej 30% për transmetim të programit të krijuar burimor gjatë një dite, në raport me programin e transmetuar në total më 3 qershor që përfshihet në llogaritjen për program të krijuar burimor (22:04:44) është 6 orë 37 minuta dhe 25 sekonda. Televizioni Uskana Media ka transmetuar për 1 orë 26 minuta dhe 44 sekonda më pak program të krijuar burimor si vepra audiovizuale maqedonase.

Gjysma e minimumit ligjor (nga ora 06:37:25) është 3 orë 18 minuta dhe 42 sekonda të programit të krijuar burimor si vepra audiovizuale maqedonase, minimumi që duhej të transmetohej në programin e Shoqërisë Tregtare Radiodifuzive TELEVISION USKANA MEDIA SHPKNJP Kërçovë, në periudhën nga ora 7:00 deri në ora 19:00. Gjatë kësaj periudhe, siç është konstatuar nga mbikëqyrja, u transmetuan 2 orë 10 minuta dhe 44 sekonda program të krijuar burimor si vepra audiovizuale maqedonase, që në këtë situatë është për 1 orë 7 minuta dhe 58 sekonda më pak se minimumi i kërkuar.

Shkelja nga pika 1 e këtij Aktvendimi është specifikuar në Raportin me shkrim për mbikëqyrje të kryer programore ark.nr.10-2464/1, datë 12.06.2025 , i cili është pjesë përbërëse e këtij Aktvendimi si Shtojcë nr. 1.

Në përputhje me nenin 23 paragrafi (3) të LSHMAAV, Këshilli i Agjencisë drejtuar SHTR TELEVISION USKANA MEDIA SHPKNJP Kërçovë, me datë 13.06.2025, ka dërguar Shkresë ark.nr.10-2464/2 datë 13.06.2025, me të cilën dorëzoi Raportin me shkrim për mbikëqyrje të kryer programore ark.nr.10-2464/1 datë 12.06.2025, me qëllim që në afat prej 7 (shtatë) ditë pune nga dita e pranimi të shkresës, drejtuar Këshillit të Agjencisë të dorëzoi deklarament me shkrim për shkeljen e kryer të dispozitave të LSHMAAV. Shkresa u pranua në mënyrë të rregullt nga transmetuesi më 19.06.2025 në afatin e përcaktuar, SHTR TELEVISION USKANA MEDIA SHPKNJP Kërçovë nuk u deklarua për shkeljen e kryer të dispozitave të LSHMAAV. Këshilli i Agjencisë, në seancën e mbajtur më 29.07.2025, shqyrtoi lëndën Raport me shkrim dhe konkludoi që SHTR TELEVISION USKANA MEDIA SHPKNJP Kërçovë t'i shqiptohet masë - paralajmërim publik.

Rrjedhimisht nga sa më sipër, në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të LSHMAAV, dhe në lidhje me nenin 92 paragrafët (1) dhe (3) nga Ligji i njëjtë, pika 6 dhe pika 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës, Raporti me shkrim për mbikëqyrje të kryer programore ark.nr.10-2464/1 datë 12.06.2025, për konstatim të mosrespektimit të dispozitave të LSHMAAV, përcaktuar në pikën 1 të këtij Aktvendimi, Këshilli i Agjencisë në seancën e 6-të mbajtur më 29.07.2025, në përputhje me Konkluzionin ark.nr.02-3137/5 datë 29.07.2025, miratoi Aktvendim ku publikisht paralajmëron SHTR TELEVISION USKANA MEDIA SHPKNJP Kërçovë dhe urdhërohet, që në afat prej 20 (njëzet) ditësh nga dita e pranimi të aktvendimit të harmonizojë veprimtarinë e saj me dispozitat e LSHMAAV. Pas skadimit të afatit të përcaktuar në pikën 2 të këtij Aktvendimi, të kryhet mbikëqyrje kontrolli për të përcaktuar nëse subjekti i mbikëqyrjes, i cekur në pikën 1 të këtij Aktvendimi, ka vepruar sipas Aktvendimit.

Në përputhje me nenin 24, paragrafët (1) dhe (2) të LSHMAAV, ky Aktvendim është përfundimtar dhe kundër tij transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimi të aktvendimit.

Bazuar në sa më sipër, u miratua aktvendim si në dispozitiv.

Shtojcë (1):

- 1) Raport me shkrim për mbikëqyrje të kryer programore ark.nr.10-2464/1 datë 12.06.2025.

**Agjencia për Shërbime Mediatike
Audio dhe Audiovizuale
Kryetari i Këshillit,**

Mr.Sasho STEFANOVSKI

Këshillë juridike: Kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimi të aktvendimit.